

الفديو الثاني والعشرون: القطعة السابعة

- ما تنساش تشوف أسلوب الاستثناء في فقرة فنيات القطع.
- لو قلتلك (ما أروع حمرة الشفق) فدا فعل تعجب ... إنما (حمرة الشفق أروع منظر) هنا اسم تفضيل.
- (الديمقراطية مطلوبة) دي مصدر صناعي .. إنما (الحياة الديمقراطية مطلوبة) دي اسم منسوب لأنها جت نعت.
- (المؤمن رحيماً قلبه) دي فاعل ... (المؤمن رحيماً قلباً) دي تمييز ... (المؤمن رحيماً القلب) دي مضاف إليه.
- نكشف عن (معتد) في مادة عدو ... لكن (معتد) في مادة عدد.

الفديو الثالث والعشرون: إن وأخواتها

- 1- إن وأخواتها هم (إنَّ - أنَّ - كأنَّ - لكنَّ - ليت - لعل).
- 2- نقولك نفس الكلام خلي بالك بين الفرق بين (إن الولد عقله ذكي) وإن هنا نوع الخبر جملة اسمية يعني (عقله) مبتدأ و(ذكي) خبر ... لكن لو قلتلك (إن الولد ذكي عقله) هنا نوع الخبر مفرد وكلمة (ذكي) خبر إن و(عقله) فاعل ... لأن دا أعمال مشتقات.
- 3- وإن لو قلتلك (إن الحياة بها عبر كثيرة) ... فهنا (بها عبر) دي جملة اسمية في محل خبر إن وكلمة (عبر) مبتدأ مؤخر و(بها) شبه جملة خبر مقدم ... أما كلمة (كثيرة) طبعاً نعت مرفوع.
- 4- همزة ان لما بتكون مفتوحة بيكون السبب (يمكن تأويلها بمصدر مؤول).
- 5- همزة ان لما بتتكسر بيكون السبب (في أول الكلام - بعد القول - أول جملة القسم - بعد (حيث) - بعد صلة الموصول - بعد واو الحالية).
- 6- (ما الكافة) لما تتصل بإن وأخواتها بتكف عملهم زي (إنما المؤمنون أخوة).
- 7- (ليت) هي الوحيدة اللي ينفع تقول (ليتما المؤمنين أخوة) وتكون ما زائدة واسم ليت وخبر ليت ... وينفع تقول (ليتما المؤمنون أخوة) وتكون ما كافة ومبتدأ وخبر.

الفديو الخامس والعشرون: لا النافية للجنس

- لا النافية للجنس ليها ثلاث شروط لازم كلهم يتحققوا وإلا ما يجيش بعدها اسمها وخبرها:
- 1- اسمها يأتي بعدها مباشرة.... فما يكونش زي (لا في الفصل مهمل ولا كسول) هنا بنعتبرها مش موجودة وكدة (مهمل) مبتدأ مؤخر.
- 2- اسمها يكون نكرة فما يكونش زي (لا فريقنا فائز ولا متعادل) هنا بردو كأنها مش موجودة وبالتالي (فريقنا) مبتدأ.
- 3- لا يسبقها حرف جر فما يكونش زي (أنت بلا رحمة) هنا هنعتبرها مش موجودة بردو وبالتالي (رحمة) اسم مجرور.

- أنواع اسم لا هي (مضاف – شبيه بالمضاف – مفرد) ... ولأزم تكون عارف أن أول اثنين منصوبين عادي أما المفرد يُبنى على ما ينصب به في محل نصب.
- اسم لا المضاف سيكون بعده مضاف إليه زي (لا عامل مصنع مهمل) ... والشبيه بالمضاف سيكون مشتق ومنون زي (لا عاملا في المصنع مهمل) ... والمفرد سيكون لا مضاف ولا شبيه زي (لا سعادة للبشرية من غيره).
- لا النافية للجنس معناها (ما فيش) زي (لا مجتهد راسب) ... إنما لا العاطفة معناها (مش) زي (اشتريت قلما لا أكثر).

الفديو السادس والعشرون: القطعة الثامنة

- 1- أي نكرة منصوب بعد أسلوب التعجب بتكون تمييز زي (ما أروعه أملا)
- 2- لما بتأكد فعل بالنون زي (أطع) بترجع حرف العلة المحذوف وتبقى (أطيعن) ... ولو جيت تأكد (اسع – ادع – صم – صن – كن) هيكونوا (اسعين – ادعون – صومن – صونن – كونن).
- 3- نكشف عن كلمة (رضا) في مادة رضو.